



{SeiSentidos}

POR Manuel Gago

Abondarán mil palabras

«Jack Whitehall é un famoso e novo cómico británico de 28 anos que leva o seu flemático e conservador pai británico, de 77, de viaxe polo surleste asiático. O gancho é o contraste xeracional. A serie pertence a ese xénero no que un famoso inglés fai felizmente o ridículo público en terra allea.»

Q

UE RELATOS se poderían escribir se a linguaxe tivera só mil palabras? Estou convencido de que as nosas mans e ollos falarían máis

alto, e se cadra a súa ambigüidade nos botaría unha man cando as palabras que se oxidan e tornan ácidas. Se tivera que buscar unha solución a estes tempos, teríaa moi clara. Deixen as palabras e anímense a facer o ridículo. Ou cando menos, recoñezan que xa o estamos facendo.

OÍDO


Hai uns días tiven a que debeu ser unha das ceas máis interesantes dos últimos meses. Marco García Quintela presentoume a Roberto Trotta, cosmólogo e director dun dos centros de investigación do Imperial College de Londres, e os tres ceamos nunha Casa Marcelo ocupada, literalmente, por congresistas estranxeiros. Trotta está moi preocupado por achegar a astrofísica á poboación xeral e a revista Foreign Policy outourgoulle a distinción de pensador global por un curioso libro seu, 'The Edge of the Sky' ('O límite do ceo'; Basic Books, 2014), no que dá conta das últimas teorías científicas sobre o cosmos empregando unicamente as 1.000 palabras máis usadas do inglés, entre as que non se contan, por exemplo, nin «universo», nin «científico», nin «telescopio». O de Trotta vai alén da destreza lingüística. É un exercicio de simpatía.

GUSTO

Ante o espectacular cabracho frito de Casa Marcelo, Trotta explicoume outra das súas liñas de divulgación. Explicar o universo a través da gastronomía. Ensínoume as fotos dunha 'focaccia' de olivas que levedaba como unha clarísima analogía do proceso de expansión do universo, no que as olivas eran os astros. E faloume das súas experiencias para explicar os cegos de nacemento as leis do Universo a través da textura e o sabor. Nesta gastronomía actual, na que todo o mundo tenta vender algo, pregunteille a Trotta se daría unha charla explicativa con todas estas metáforas. «Non», explicoume el, «estou nunha fase aínda de conceptualización. Non está listo». Ás veces, o método científico pode converterse nunha ética.

TACTO

Pásmame como aínda seguimos organizando os relatos dos nosos imaxinarios contemporáneos en termos binarios, ao xeito dos vellos relatos mitolóxicos. Uns e outros, branco e negro, ben e mal. Hai quen se aproveita diso e sabe empre-



galo.

P o r
iso in-
terésame

a ciencia e o
modo de pensar

que nos ensina: por-
que nela as verdades abso-
lutas apenas existen e nin sequera

se conciben, e os heroes dos contos dubidan en
voz alta coma se foran benditos malvados con
tacto de veludo. Máis ciencia, por favor.

OLFACTO

Estou lendo unha novela magnífica: 'Inquietud en el Paraíso' (Ediciones del Viento), de Óscar Esquivias. Como non coñecín antes a este home? É a historia dunha expedición ao Purgatorio de Dante, guiada por un cóngotolo, no Burgos da preguerra civil. Magnífica literatura, malia o cheiro demasiado próximo do tumulto e a intransixencia. Irónica, rupturista, precisa como un parágrafo de Flaubert, lúcida, alén das trincheiras.

VISTA

Vexo con gran divertimento unha nova serie documental de Netflix: 'Jack Whitehall: Travels With My Father'. É un famoso e novo cómico británico de 28 anos que leva o seu flemático e conservador pai británico, de 77, de viaxe polo

s u r -
l e s t e
asiático.

O gancho é
o contraste xe-
racional. A serie

pertence a ese xénero

no que un famoso inglés fai
felizmente o ridículo público en te-

rra allea. Hai outras xoias similares, como a
etífica 'Oz and James's Big Wine Adventure',
con dous maduros, coches, catas e viñedos
franceses. Benvida sexa a xente que sabe fa-
cer o ridículo con consciencia e está disposta
a celebralo.

MEDO

Hai libros que son o seu título. Falo de 'Geopolítica de las series, o el triunfo global del miedo', do politólogo Dominique Moissy. Un libro lixeiro, que se le dunha patada e pretende sacar leccións sobre o estado de ánimo do mundo occidental a través de 'Xogo de Tronos', 'Hemland', 'House of Cards' e 'Downton Abbey'. A lección básica é que Occidente está desnortado e rexido polo medo, ante a crise das democracias clásicas e a desestabilización de Oriente Medio. Ou sexa, nada que non se teña xa dito nos sesenta, nos setenta ou nos oitenta. Sen discutir —demasiado— esta afirmación, teño a sensación de que o mellor das series ficaron fóra da análise, nalgures nunha galaxia de apenas mil palabras.